

UDHËZIM

Nr.9, datë 26.04.2011

PËR DISA SHTESA DHE NDRYSHIME NË UDHËZIMIN NR. 5, DATË 30.1.2006 “PËR TATIMIN MBI TË ARDHURAT”, TË NDRYSHUAR, LIDHUR ME DEKLARATËN INDIVIDUALE VJETORE TË TË ARDHURAVE

Në mbështetje të nenit 102 pika 4 të Kushtetutës së Republikës së Shqipërisë dhe të ligjit nr. 10343, datë 28.10.2010 “Për disa shtesa dhe ndryshime në ligjin nr.8438, datë 28.12.1998 “Për tatimin mbi të ardhurat”, të ndryshuar, Ministri i Financave

UDHËZON:

Në udhëzimin nr.5, datë 30.1.2006 “Për tatimin mbi të ardhurat”, pika 2.8 “Detyrimi i individëve për të deklaruar”, ndryshohet sa më poshtë:

2.8 Detyrimi për dorëzimin e deklaratës individuale vjetore të të ardhurave dhe atyre që përjashtohen nga ky detyrim përcaktohet në nenin 13 “Deklarata individuale vjetore e të ardhurave” të ligjit nr.8438, datë 28.12.1998 “Për tatimin mbi të ardhurat”, të ndryshuar.

Janë të përjashtuar nga detyrimi për plotësimin e deklaratës vjetore të të ardhurave të gjithë ata tatimpagues që përcakton pika 2 e nenit 13 të ligjit nr.8438, datë 28.12.1998 “Për tatimin mbi të ardhurat”, të ndryshuar.

Çdo deklaratë vjetore e të ardhurave plotësohet me numrin e identifikimit personal të letërnjoftimit të individit.

2.8.1 Deklarata individuale vjetore e të ardhurave plotësohet nga:

- a) individët rezidentë shqiptarë për të ardhurat e realizuara brenda dhe jashtë territorit të Republikës së Shqipërisë;
- b) individët rezidentë të huaj për të ardhurat e realizuara në territorin e Republikës së Shqipërisë;
- c) individët jorezidentë shqiptarë apo të huaj, sipas përcaktimit të pikës 3 të nenit 13 “Deklarata individuale vjetore e të ardhurave”, të ligjit nr.8438, datë 28.12.1998 “Për tatimin mbi të ardhurat”, të ndryshuar mund të plotësojnë deklaratën vjetore të të ardhurave megjithëse nuk kanë detyrim ligjor për këtë. Individët jorezidentë, sipas përcaktimit të bërë në pikën 2 të nenit 7 të ligjit nr.8438, datë 28.12.1998 “Për tatimin mbi të ardhurat”, të ndryshuar, të cilët kanë detyrimin për pagesën e tatimit mbi të ardhurat personale të realizuara në territorin e Republikës së Shqipërisë;
- d) të vetëpunësuarit rezidentë, vendas ose të huaj, të cilët realizojnë të ardhura nga veprimtaria e biznesit të vogël, krahas deklaratës për biznesin e ushtruar e cila duhet dorëzuar deri në datën 31 mars të vitit pasardhës, duhet të plotësojnë për pjesën e fitimit pas tatimit (të përfituar në formën e të ardhurave personale) edhe deklaratën individuale vjetore të të ardhurave sikurse dhe individët e tjerë jo më vonë se data 30 prill e vitit që pason periudhën tatimore për të cilën bëhet deklarimi;

Deklarata individuale vjetore e të ardhurave mund të plotësohet edhe nga persona të tjerë të cilët vendosin të bëjnë deklaratën, megjithëse nuk kanë detyrim ligjor të bëjnë këtë deklaram, si dhe nga ata të përcaktuar në pikën 2 të nenit 13 të ligjit, të cilët duan të përfitojnë nga skema e shpenzimeve të zbritshme, të parashikuara në këtë ligj.

Bashkëngjitur këtij udhëzimi janë “Deklarata individuale vjetore e të ardhurave”, të individëve shqiptarë, “Deklarata individuale vjetore e të ardhurave”, të individëve të huaj dhe formulari i pagesës së tatimit mbi të ardhurat individuale vjetore sipas përcaktimit të pikës 2 të nenit 13/7 të ligjit nr.8438, datë 28.12.1998 “Për tatimin mbi të ardhurat”, të ndryshuar. Deklaratat shoqërohen me udhëzuesit për plotësimin e çdo rubrike të saj nga individi deklarues.

Deklarata individuale vjetore e të ardhurave dorëzohet në Drejtorinë Rajonale Tatimore, e cila mbulon vendbanimin e individit deklarues, dorazi, me postë apo në rrugë elektronike jo më vonë se data 30 prill që pason periudhën tatimore, për të cilën bëhet deklarimi. Detyrimi i parë i deklarimit bëhet brenda datës 30 prill 2012 për vitin fiskal 2011.

Nëse nga plotësimi i deklaratës rezulton se individi deklarues duhet të paguajë tatim, bazuar në rubrikën “Totali për t’u paguar të deklaratës individuale vjetore të të ardhurave”, individi plotëson formularin “Dokument i pagesës së tatimit mbi të ardhurat individuale”, bashkëlidhur këtij udhëzimi dhe brenda 30 ditëve nga data e paraqitjes së deklaratës vjetore të të ardhurave, bën pagesën e tatimit në bankë.

Në rast të plotësimit të gabuar të deklaratës, kjo e fundit mund të korrigjohet nga individi duke plotësuar një deklaratë të re, duke vendosur shenjën “X” në kutinë përkatëse, brenda tre muajve nga data e dorëzimit të deklaratës së parë.

Për mosdeklarimin në afat të deklaratës individuale vjetore të të ardhurave, zbatohen sanksionet administrative të përcaktuara në ligjin nr.9920, datë 19.5.2008 “Për procedurat tatimore në Republikën e Shqipërisë”, të ndryshuar.

Për efekt të plotësimit të deklaratës, nuk përfshihen në të ardhurat bruto, të ardhurat e përcaktuara në nenin 8/1 të ligjit “Për tatimin mbi të ardhurat”, të ndryshuar. Kryefamiljari plotëson deklaratën vjetore individuale të të ardhurave, në të cilat përfshin edhe personat nën kujdestari të cilët nuk krijojnë të ardhura.

Individët brenda familjes që kanë të ardhura nga burime të ndryshme, me përjashtim të të ardhurave të përcaktuara në nenin 8/1 të ligjit “Për tatimin mbi të ardhurat”, janë të detyruar të deklarojnë individualisht. Në rastin kur individi brenda familjes nuk ka aftësi për të plotësuar deklaratën, kjo e fundit plotësohet nga kryefamiljari ose personi që e ka nën kujdestari dhe nënshkruhet nga të dy.

Shembull. Një familje është e përbërë nga kryefamiljari, bashkëshortja dhe 3 fëmijët.

Kryefamiljari ka realizuar të ardhura individuale vjetore gjithsej për 700,000 lekë, bashkëshortja ka realizuar të ardhura individuale vjetore gjithsej për 600,000 lekë, ndërsa fëmijët nuk kanë të ardhura individuale.

Në zbatim të nenit 13 të ligjit, detyrimin për dorëzimin e deklaratës individuale vjetore të të ardhurave e ka kryefamiljari dhe gruaja në deklaratë të veçanta, sipas modelit të miratuar, duke plotësuar rubrikat respektive të deklaratës individuale vjetore të të ardhurave.

Meqenëse kryefamiljari për periudhën tatimore ka realizuar të ardhura individuale vjetore 700 000 lekë (pra më pak se kufiri 800 000 lekë), ka të drejtën të përfitojë nga njohja e shpenzimeve të zbritshme të përcaktuara në nenin 13/3 të ligjit dhe në rubrikën 19 (shuma e shpenzimeve të zbritshme) të deklaratës individuale vjetore të të ardhurave. Për fëmijët, meqenëse nuk kanë realizuar të ardhura (sipas shembullit), ata duhet të deklarohen në deklaratën e kryefamiljarit dhe atë të gruas duke plotësuar kutitë përkatëse në rubrikën 17 “Persona në kujdestari të deklaruesit” të seksionit A të deklaratës individuale vjetore të të ardhurave me të njëjtën numër 3 (tre).

Nëse fëmijët realizojnë të ardhura individuale gjatë periudhës tatimore, ato duhet të deklarohen individualisht këto të ardhura nëpërmjet plotësimit të deklaratës. Në pamundësi për plotësimin nga ana e tyre, deklaratën e plotëson njëri prej anëtarëve të familjes.

Nëse kryefamiljari realizon të ardhura vjetore mbi kufirin 800 000 lekë, ai nuk do të përfitonte nga shpenzimet e zbritshme të përcaktuara në nenin 13/3 të ligjit.

Personat jorezidentë, në zbatim të pikës 1 të nenit 13/3 të ligjit “Për tatimin mbi të ardhurat”, nuk përfitojnë nga e drejta e llogaritjes së shpenzimeve të zbritshme.

Të punësuarit në institucione buxhetore dhe jobuxhetore, të cilët, përveç të ardhurave me burim nga punësimi, realizojnë edhe të ardhura nga burime të tjera, duhet të plotësojnë këtë deklaratë.

2.8.2. Deklaruesit, të cilët zgjedhin dorëzimin e deklarimit dorazi ose në rrugë postare, mund të tërheqin kopje të formularit të deklarimit të të ardhurave individuale vjetore pranë:

- a) drejtorive rajonale tatimore (zyrat e shërbimit ndaj tatimpaguesve);
- b) zyrave postare.

2.8.3. Për çdo të ardhur dhe shpenzim, të referuar në deklaratën individuale vjetore të të ardhurave, individi deklarues që plotëson deklaratën duhet t’i paraqesë organit tatimor me kërkesën e këtij të fundit dokumentacionin, si më poshtë:

- a) për të ardhura bruto nga paga apo shpërblimet nga marrëdhëniet e punësimit, vërtetim nga punëdhënësi mbi të ardhurat vjetore dhe tatimet e mbajtura mbi pagën;
- b) për fitimin nga zhvillimi i veprimtarisë së biznesit të vogël, që rezulton nga deklarata e të ardhurave personale të biznesit të vogël për të vetëpunësuarit, kopje të deklaratës vjetore tatimore, sipas nenit 12/6 të ligjit për tatimin mbi të ardhurat dhe mandatpagesës së tatimit mbi të ardhurat personale;
- c) për të ardhurat bruto nga dividendi për pjesëmarrje në shoqëri tregtare apo nga veprimtaritë e biznesit, kopje të vendimit të Asamblesë së Ortakëve për miratimin e rezultatit financiar dhe destinimin e fitimit, ku specifikohet dividendi i shpërndarë dhe kopje të mandat-pagesës së bërë të tatimit mbi dividendin nga personi juridik;
- d) për të ardhurat bruto nga qiraja dhe fitimet kapitale nga shitja e pasurisë së paluajtshme, në pronësi të deklaruesit, kopje të kontratës së qirasë/shitjes dhe të dokumentit që vërteton pagesën e tatimit mbi të ardhurat;
- e) për të ardhurat bruto nga interesa bankarë, dokumentin bankar që vërteton këto të ardhura;
- f) për fitimin kapital neto, të krijuar nga investimet në tituj apo në pasuri të paluajtshme, kopje të kontratës së investimit dhe mandatpagesës së tatimit;
- g) për shumat bruto të fituara nga lotari apo lojëra të tjera të fatit, kopje të vërtetimit të organizatorit të lojës për fitimin e shumës së fituar të parave dhe kopje të mandatpagesës nga organizatori të tatimit në burim si diferencë midis shumës së fituar dhe shumës së luajtur nga lojtari;
- h) për të ardhurat bruto nga pasuria intelektuale, licencat, të drejtat ekskluzive dhe pasuri të tjera, që përbëhen vetëm nga të drejta dhe që nuk kanë formë fizike, kopje të licencave/lejeve dhe mandatpagesës të tatimit në burim;

- i) për fitimin kapital nga dhurimi, kopje të dokumenteve vërtetuese për justifikimin e origjinës së të ardhurave dhe mandatpagesës së tatimit të paguar;
- j) të ardhura bruto të realizuara jashtë territorit të Republikës së Shqipërisë, çdo dokument vërtetues për justifikimin e origjinës së të ardhurave dhe tatimit të paguar;
- k) për të ardhura bruto të tjera të papërmendura më lart, çdo dokument që justifikon realizimin e të ardhurave.

2.8.4. Dokumentet që duhet t'i bashkëngjiten deklaratës, për justifikimin e shpenzimeve të zbritshme, janë si më poshtë:

- a) për pjesën e shpenzimeve për kontributet e sigurimeve shoqërore e shëndetësore, si dhe kontributet vullnetare të pensioneve, sipas përcaktimeve në ligjin për fondet e pensionit vullnetar, kopje të kontratës së fondit të pensionit me shoqërinë administruese dhe kopje të pagesave të bëra;
- b) për shumat e interesit bankar të kredisë së marrë për shkollim, për vete apo për fëmijët dhe personat në kujdestari, kopje të kontratës me bankën brenda territorit të Republikës së Shqipërisë, ku të jetë e specifikuar se kredia e marrë është për shkollim, si dhe kopje të mandatpagesave të interesave bankarë të paguar gjatë vitit;
- c) për justifikimin e shpenzimeve të zbritshme për mjekim, për vete apo për fëmijët dhe personat në kujdestari, për pjesën e pambuluar nga sigurimi i detyrueshëm shëndetësor, kopje të faturave dhe të mandatpagesave të bëra për mjekim në institucionet shëndetësore deri në shumën e përcaktuar sipas vendimit të Këshillit të Ministrave nr.94, datë 9.2.2011. Në rastin e plotësimit të deklaratës nga kryefamiljari ose bashkëshortja, deklaratës i bashkëlidhet kopja e certifikatës familjare, lëshuar nga zyrat e gjendjes civile, në vitin e plotësimit të deklaratës.

Në rast të plotësimit të deklaratës nga individi (jokryefamiljar), shpenzimet vjetore për mjekim, për pjesën e pambuluar nga sigurimi i detyrueshëm shëndetësor janë 8,532 lekë.

Në rast të plotësimit të deklaratës nga kryefamiljari, bazuar në pikën 3 të nenit 13/1 të ligjit për tatimin mbi të ardhurat, shpenzimet vjetore për mjekim, për vete apo për fëmijët dhe personat në kujdestari, për pjesën e pambuluar nga sigurimi i detyrueshëm shëndetësor janë 8,532 lekë për secilin anëtar të familjes, por jo më shumë se 32,000 lekë.

Nëse nga plotësimi i deklaratës individuale vjetore e të ardhurave rezulton diferencë negative, pra individi deklarues ka derdhur më shumë tatime nga sa rezulton nga llogaritja sipas deklaratës, administrata tatimore (drejtoria rajonale tatimore) duhet t'i kthejë individit deklarues shumën e tatimeve të paguara me tepër me kërkesën e tij. Me kërkesën me shkrim të deklaruesit, kjo shumë mund të kalohet për llogari të detyrimeve tatimore të ardhshme për vitin tatimor vijues.

Ky udhëzim hyn në fuqi menjëherë dhe botohet në Fletoren Zyrtare.

MINISTRI I FINANCAVE

Ridvan Bode



**DOKUMENTI I PAGESËS SË TATIMIT
MBI TË ARDHURAT INDIVIDUALE**

Numri i Vendosijes së Dokumentit (NVD)
(Vetëm për përdorim zyrtar)

(1) Numri Serial: _____

(2) Periudha tatimore

(3) Numri i Identifikimit Personal / Numri Fiskal i Individit

(4) Emri _____, Afësia _____, Mbiemri _____

(5) Adresa kryesore: _____

(6) Qyteti/Komuna/Rrethi: _____

(7) Totali i Detyrimit për të paguar:

[7]

LLOGARITË

(8) NUMRI I LLOGARISË SË ORGANEVE TATIMORE:

(9) NUMRI I LLOGARISË SË INDIVIDIT: _____

Emri Mbiemri _____

Firma _____ Data ____/____/____

PAGESA

MENYRA E PAGESËS

(Vetëm për përdorim zyrtar)

- Lekë
 Xhirim
 Çek
 Të

tjera:.....

SHUMA E PAGUAR:

[10]

Data e pagesës: _____

Vula e Bankës dhe nënshkrimi i nëpunësit të bankës

UDHËZUES

PËR MËNYRËN E PLOTËSIMIT TË DOKUMENTIT TË PAGESËS SË TATIMIT MBI TË ARDHURAT INDIVIDUALE

1. **Numri serial** - përdoret nga Drejtoria e Përgjithshme e Tatimeve dhe shërben për të azhurnuar regjistrimet tuaja kur paraqitet ky dokument.
2. **Periudha tatimore** - është periudha që përfshin pagesën nga data 1 janar deri 31 dhjetor.
3. **Numri i identifikimit personal/numri fiskal i individit** - plotësohet sipas numrit që deklaruesi ka në dokumentin e letërnjoftim ID (në kartën e identitetit) dhe për individët e huaj sipas numrit fiskal të dhënë nga organet tatimore shqiptare.
4. **Emri, atësia, mbiemri** - plotësohet sipas të dhënave të individit.
5. **Adresa kryesore** plotësohet për adresën që deklaruesi ka sipas të dhënave në regjistrin e gjendjes civile ose të ndryshuar. Për individin e huaj do të vendoset adresa në Republikën e Shqipërisë e dhënë në deklaratën e të ardhurave individuale vjetore.
6. **Qyteti/komuna/rrethi** - plotësohet sipas adresës së vënë në regjistrin e gjendjes civile ose të ndryshuar. Për individët e huaj plotësohet sipas vendbanimit në Republikën e Shqipërisë.
7. **Totali i tatimit për t'u paguar**- plotësohet për shumën e tatimit që individi duhet të paguajë bazuar në rubrikën "Totali për t'u paguar të deklaratës individuale vjetore të të ardhurave".

LLOGARITË

8. **Numri i llogarisë bankare në organet tatimore** - plotësohet me numrin e llogarisë bankare që kanë organet tatimore në bankën ku kryhet pagesa.
9. **Numri i llogarisë së individit** - plotësohet me numrin e llogarisë bankare që individi ka në bankën, ku kryen pagesën e tatimit mbi të ardhurat individuale vjetore.
Vendosni emrin, mbiemrin dhe datën e pagesës së tatimit, firmoseni atë dhe paraqiteni në bankë, ku një kopje e këtij dokumenti do t'ju kthehet nga nëpunësi i bankës pas pagesës.

PAGESA

Kjo pjesë e dokumentit plotësohet nga banka në të cilin individi do të kryejë pagesën e tatimit mbi të ardhurat individuale vjetore.



**DEKLARATA INDIVIDUALE
VJETORE E TË ARDHURAVE
PËR INDIVIDËT E HUAJ**

Numri i Vendosjes së Dokumentit (NVD)
(Vetëm për përdorim zyrtar)

(2) Periudha tatimore (viti)

(1) Numri Serial:

Vendos 'X' në kutinë e duhur nëse nuk po dorëzon për herë të parë për këtë periudhë të dorëzimit KORRIGJUESE

SEKSIONI A : TË DHËNA IDENTIFIKUESE

[3] REZIDENT NË REPUBLIKËN E SHQIPËRISË

[4] JOREZIDENT NË REPUBLIKËN E SHQIPËRISË

[5] Numri fiskal i individit të huaj _____

TË DHËNA IDENTIFIKUESE PËR INDIVIDIN

[6] Emri _____, A-ësisë _____; Mbiemri _____, Seksi: M F

[7] Numri i identifikimit personal sipas pasaportës të deklaruesit _____

[8] Telefoni: _____; Çelular: _____; E-mail: _____

[9] Statusi i Deklaruesit I/E martuar I/E martuar me Beqar/e I/E ve I/E divorcuar Kryefamiljar/e
 fëmijë

TË DHËNA PËR BANIMIN E INDIVIDIT NË REPUBLIKËN E SHQIPËRISË

[10] Adresa: _____; Emri i pronarit: _____

[11] Qyteti/Komuna/Rrethi: _____

[12] Të dhëna mbi pronësinë e banesës kryesore: a) Në pronësi b) Me qira c) Falas nga pronari d) Të tjera

[13] Qëndrimi në hotel(Adresa e hotelit): _____

TË DHËNA PËR ADRESËN E BANIMIT TË INDIVIDIT NËSE KA NDRYSHIME

[14] Adresa: _____; Emri i pronarit: _____

[15] Qyteti/Komuna/Rrethi: _____

[16] Të dhëna mbi pronësinë e banesës: a) Në pronësi b) Me qira c) Falas nga pronari d) Të tjera

[17] Qëndrimi në hotel(Adresa e hotelit): _____

TË DHËNA PËR BANIMIN E INDIVIDIT NË VENDIN E HUAJ

[18] Adresa: _____

[19] Qyteti/Komuna: _____

[20] Shteti: _____

[21] Nr. Tel: _____; Cel: _____; E-mail: _____

[22] Persona nën kujdestarinë e deklaruesit gjithësej Numri i personave në kujdestari Të tjerë persona në kujdestari

Personi Deklarues
(Emri/Mbiemri)

Data e deklarimit / /

Firma _____

(1) Numri Serial: _____

NVD: _____

(2) Periudha tatimore (viti) _____

SEKSIONI B : TË DHËNA PËR LLOGARITJEN E TATIMIT

TË ARDHURAT BRUTO

[3]	Të ardhurat bruto nga paga apo shpërblime nga marrëdhëniet e punësimit për individët.....	[3]	
[4]	Fitimi nga zhvillimi i veprimtarisë së Biznesit të Vogël	[4]	
[5]	Të ardhurat bruto nga dividendat.....	[5]	
[6]	Të ardhurat bruto nga qiraja.....	[6]	
[7]	Fitime kapitale nga shitja e pasurisë së paluajtshme në pronësi të deklaruesit.....	[7]	
[8]	Të ardhurat bruto nga interesat bankare.....	[8]	
[9]	Fitimi kapital i krijuar nga investimet në tituj apo nga pasuri të paluajtshme.....	[9]	
[10]	Shuma bruto të fituar nga lotari apo lojra të tjera të fatit.....	[10]	
[11]	Të ardhurat bruto nga pasuria intelektuale licensa, të drejta ekskluzive dhe pasuri të tjera që përbehen vetëm nga të drejta dhe që nuk kanë formë fizike.....	[11]	
[12]	Fitime kapitali nga dhurimi.....	[12]	
[13]	Të ardhura bruto të realizuara jashtë territorit të Republikës së Shqipërisë.....	[13]	
[14]	Të ardhura bruto të tjera të papërmendura më lart	[14]	
[15]	SHUMA E TË ARDHURAVE BRUTO (nga 3 deri 14)		[15]

SHPENZIME TË ZBRITSHME

[16]	Kontributet vullnetare në fondin e pensionit vullnetar dhe kontributet vullnetare të individit për shëndetin.....	[16]	
[17]	Shuma e interesit bankar të kredisë së marrë për shkollim.....	[17]	
[18]	Shpenzime: për mjekim për vete apo për fëmijet dhe për personat në kujdestari për pjesën e pambuluar nga sigurimi i detyrueshëm shëndetësor.....	[18]	
[19]	SHUMA E SHPENZIMEVE TË ZBRITSHME (kutia 16 deri 18)		[19]

TATIMI LLOGARITUR PËR T'U PAGUAR

[20]	Të ardhura të tatueshme (kutia 15 - 19 kur 15>19).....	[20]	
[21]	Shpenzime të pambuluara nga të ardhurat (kutia 19 - 15 kur 15<19).....	[21]	
[22]	SHUMA E TATIMIT TË LLOGARITUR (Kutia 20 x10%)		[22]

TATIME TË PAGUAR GJATË PERIUDHËS TATIMORE

[23]	Tatimi mbi pagën	[23]	
[24]	Tatimi mbi intereset.....	[24]	
[25]	Tatimi mbi qirane.....	[25]	
[26]	Tatimi mbi dividendin.....	[26]	
[27]	Tatimi mbi të ardhurat e tjera.....	[27]	
[28]	SHUMA E TATIMIT TË PAGUAR GJATË PERIUDHËS TATIMORE(kutia 23 deri 27)...		[28]
[29]	TATIMI I PAGUAR TEPËR NGA VIII I MËPARSHËM DHE I PARIMBURSUAR...	[29]	
[30]	TATIMI I PAGUAR TEPËR (për rimbursim).....	[30]	
[31]	TATIMI I DETYRUESHËM PËR T'U PAGUAR.....		[31]

Personi Deklarues
(Emri/Mbiemri) _____

Data e deklarimit ____/____/____

Firma _____

UDHËZUES PËR MËNYRËN E PLOTËSIMIT TË DEKLARATËS INDIVIDUALE VJETORE TË TË ARDHURAVE TË INDIVIDËVE TË HUAJ NË REPUBLIKËN E SHQIPËRISË

1. **Numri serial** përdoret nga Drejtoria Rajonale Tatimore (organi tatimor)dhe shërben për të azhurnuar regjistrimet tuaja kur paraqitet deklarata.
2. **Periodha tatimore** është periudha që përfshin deklarimin nga data 1 janar deri në 31 dhjetor të vitit raportues.

SEKSIONI A : TE DHËNA IDENTIFIKUESE

3. **Rezident në Republikën e Shqipërisë.** Plotësohet duke vendosur shenjën “X” në kutinë nëse individi i huaj është rezident në Republikën e Shqipërisë.
4. **Jo rezident në Republikën e Shqipërisë.** Plotësohet duke vendosur shenjën “X” në kutinë nëse individi i huaj nuk është rezident në Republikën e Shqipërisë.
5. **Numri fiskal i individit të huaj.** Plotësohet nga organi tatimor me dorëzimin e deklaratës.

Të dhëna identifikuese për individin

6. **Emri, atësia, mbiemri, seksi,** plotësohet me të dhënat e individit i cili deklaron me anë të kësaj deklarate me germa kapitale.
7. **Numri i identifikimit personal sipas pasaportës së deklaruësit** plotësohet sipas numrit që deklaruësia ka në pasaportën e tij.
8. **Telefon, celular, e-mail,** plotësohet me numrin e telefonit, celularit dhe adresën e emailit, që disponon deklaruësi.
9. **Statusi i deklaruësit,** plotësohet duke vendosur shenjën “X” brenda kutive.

Të dhëna për banimin e individit në Republikën e Shqipërisë

10. **Adresa** plotësohet sipas adresës së banimit duke plotësuar edhe emrin e pronarit të banesës.
11. **Qyteti/komuna/rrethi** plotësohet sipas vendit ku banon deklaruësi në Republikën e Shqipërisë.
12. **Të dhëna mbi pronësinë e banesës** plotësohet duke vendosur shenjën “X” nëse banesa është në pronësi të deklaruësit me dokument hipoteke, marrë me qira, dhënë falas dhe të tjerë.
13. **Qëndrimi në hotel (adresa e hotelit),** plotësohet me adresën e hotelit tek i cili ka qëndruar individi.

Të dhëna për adresën e individit nëse ka ndryshime.

14. **Adresa** plotësohet sipas adresës së banimit duke plotësuar edhe emrin e pronarit të banesës.
15. **Qyteti/komuna/rrethi** plotësohet sipas vendit ku banon deklaruësi në Republikën e Shqipërisë.
16. **Të dhëna mbi pronësinë e banesës** plotësohet duke vendosur shenjën “X” nëse banesa është në pronësi të deklaruësit me dokument hipoteke, marrë me qira, dhënë falas dhe të tjerë.
17. **Qëndrimi në hotel (adresa e hotelit)** plotësohet me adresën e hotelit tek i cili ka qëndruar individi.

Të dhëna për banimin e individit në vendin e huaj

18. **Adresa** plotësohet sipas adresës së banimit të deklaruësit në vendin e huaj.
19. **Qyteti/komuna** plotësohet me të dhënat e qytetit dhe të komunës në vendin e huaj.
20. **Shteti** plotësohet me të dhënat e shtetit në të cilin banon individi i huaj.
21. **Telefon, celular, e-mail,** plotësohet me numrin e telefonit, celularit dhe adresën e emailit, që disponon deklaruësi.
22. **Persona nën kujdestarinë e deklaruësit** plotësohet nga kryefamiljari apo bashkëshortja kur kjo është kryefamiljare duke vënë në kuti, numrin e personave brenda familjes në kujdestari dhe numrin e të tjerë personave në kutinë tjetër.

SEKSIONI B: TË DHËNA PËR LLOGARITJEN E TATIMIT

TË ARDHURAT BRUTO

3. **Të ardhurat bruto nga pagat apo shpërblimet nga marrëdhëniet e punësimit për individët,** plotësohet për totalin e pagave dhe shpërblimeve që deklaruësi përfiton nga të gjitha marrëdhëniet e punësimit gjatë periudhës tatimore.
4. **Fitimi nga zhvillimi i veprimtarisë së biznesit të vogël,** plotësohet nga deklaruësi për shumën e fitimit të tatueshëm që deklaruësi i vetëpunësuar, realizon nga veprimtaria e biznesit të vogël me qarkullim mbi 2 000 000 lekë (kutia 18 e formularit të deklarimit dhe pagesës së tatimit mbi të ardhurat personale të biznesit të vogël)
5. **Të ardhurat bruto nga dividendi për pjesëmarrje në shoqëritë tregtare apo nga veprimtaritë e biznesit,** do të plotësohet për shumën e dividendit që deklaruësi përfiton nga të gjitha pjesëmarrjet e tij në shoqëritë tregtare, apo veprimtaritë e biznesit.
6. **Të ardhurat bruto nga qiratë** do të plotësohet për totalin e të ardhurave bruto që individi realizon nga dhënia me qira e një ose disa objekteve.
7. **Fitimet kapitale nga shitja e pasurisë së paluajtshme në pronësi të deklaruësit,** do të plotësohet për totalin e fitimeve të realizuara në zbatim të nenit 11, të ligjit nr.8438, datë 28.12.1998 “Për tatimin mbi të ardhurat”, të ndryshuar dhe akteve nënligjore në zbatim të tij.

8. **Të ardhurat bruto nga interesat bankare,** do të plotësohen për totalin e të ardhurave nga interesat bankarë që individi ka përfituar, gjatë periudhës tatimore.

9. **Fitimi kapital neto i krijuar nga investimet në tituj apo nga pasuri të paluajtshme,** do të plotësohet për totalin e fitimeve të realizuara nga investimet në tituj, shitje aksionesh, e pasuri të paluajtshme, përveçse tokë e ndërtesë që janë pasqyruar në kutinë 7. Me termin “fitim kapital i realizuar” kuptohet diferenca ndërmjet vlerës në shitje dhe vlerës në blerje të pasurisë.

10. **Shuma bruto të fituara nga lotari apo lojëra të tjera të fatit,** do të plotësohet për totalin e shumave bruto të fituara nga lotaritë apo lojëra të tjera të fatit.

11. **Të ardhura bruto nga pasuri intelektuale licenca, të drejta ekskluzive dhe pasuri të tjera që përbëhen vetëm nga të drejta dhe që nuk kanë formë fizike,** do të plotësohet për totalin e të ardhurave bruto nga të gjitha, sa përshkruar më sipër.

12. **Fitimet kapitale nga dhurimi** do të plotësohet për shumën e fitimeve kapitale të realizuara nga dhurimi.

13. **Të ardhurat bruto të realizuara jashtë territorit të Republikës së Shqipërisë,** do të plotësohet për totalin e të ardhurave bruto të realizuar jashtë territorit të Republikës së Shqipërisë.

14. **Të ardhura bruto të tjera të papërmendura më lart,** do të plotësohet për totalin e të ardhurave bruto të tjera të cilat nuk janë të përfshira në të ardhurat e sipërsëhënuara.

15. **Shuma e të ardhurave bruto (3-14)** plotësohet për totalin e të ardhurave nga kutia 3 deri në kutinë 14.

SHPENZIME TË ZBRITSHME

16. **Kontributet vullnetare në fondin e pensionit vullnetar dhe kontributet vullnetare të individit për shëndetin** plotësohet vetëm kur individi ka derdhur kontribut për fondet e pensionit vullnetar në zbatim të ligjit “Për fondet e pensionit vullnetar” dhe kontribute vullnetare për shëndetin.

17. **Shuma e interesit bankar të kredisë së marrë për shkollim për vete apo për fëmijët dhe personat në kujdestari,** do të plotësohet për shumën e interesit bankar të kredisë së marrë për shkollim nga banka brenda territorit të Republikës së Shqipërisë.

18. **Shpenzimet për mjekim për vete apo për fëmijët dhe personat në kujdestari për pjesën e pambuluar nga sigurimi i detyrueshëm shëndetësor,** do të plotësohet mbështetur në faturat e lëshuara nga institucionet shëndetësore brenda territorit të Republikës së Shqipërisë, për justifikimin e shpenzimeve për mjekim, sipas përcaktimeve në aktet nënligjore.

19. **Shuma e shpenzimeve të zbritshme,** plotësohet për totalin e shpenzimeve nga kutia 16-18.

TATIMI I LLOGARITUR PËR T’U PAGUAR

20. **Të ardhura të tatueshme** plotësohet për diferencën ndërmjet shumës së të ardhurave bruto (kutia 15) me shumën e shpenzimeve të zbritshme (kutia 19), kur (15 > 19).

21. **Shpenzimet të pambuluara nga të ardhurat** plotësohet për diferencë kur shuma e shpenzimeve të zbritshme (kutia 19) është më e madhe se shuma e të ardhurave bruto (kutia 15).

22. **Shuma e tatimit të llogaritur,** plotësohet për shumën e tatimit të llogaritur që rezulton nga shumëzimi i të ardhurave të tatueshme (kutia 20) me përqindjen e tatimit mbi të ardhurat në masën 10%.

TATIME TË PAGUARA GJATË PERIUDHËS TATIMORE

23. **Tatimi mbi pagën** plotësohet për shumën e tatimit mbi pagën dhe shpërblimet mbi pagën të paguar gjatë periudhës tatimore.

24. **Tatimi mbi interesat** plotësohet për shumën e tatimit mbi interesat bankare të paguara gjatë periudhës tatimore.

25. **Tatimi mbi qiranë** plotësohet për shumën e tatimit mbi qiranë të paguar gjatë periudhës tatimore.

26. **Tatimi mbi dividendin** plotësohet për shumën e tatimit mbi dividendët të paguar gjatë periudhës tatimore

27. **Tatimi mbi të ardhurat e tjera,** plotësohet për shumën e tatimit mbi të ardhurat e tjera të paguara gjatë periudhës tatimore.

28. **Shuma e tatimit të paguar gjatë periudhës tatimore,** plotësohet për shumën e tatimit të paguar nga kutia 23 deri në kutinë 27 të deklaratës.

29. **Tatimi i paguar tepër nga viti i mëparshëm dhe i parimbursuar,** plotësohet për shumën e tatimit të paguar tepër nga viti i mëparshëm dhe që rezulton i parimbursuar deri në ditën e deklarimit.

30. **Tatimi i paguar tepër (për rimbursim)** plotësohet për diferencën nëse tatimi i paguar gjatë periudhës tatimore (kutia 28) është më i madh se tatimi i llogaritur sipas deklaratës (kutia 22).

31. **Tatimi i detyrueshëm për t’u paguar** (kutia 22 minus kutinë 28 minus kutinë 29) plotësohet për diferencën midis shumës së tatimit të llogaritur sipas deklaratës (kutia 22) minus shumën e tatimit të paguar (kutia 28) minus tatimin e paguar tepër nga viti i mëparshëm dhe i parimbursuar (kutia 29).

Në fund të faqes së parë, të dytë dhe të tretë të vendoset emri, mbiemri, firma e deklaruësit dhe data e deklarimit.



**DEKLARATA INDIVIDUALE
VJETORE E TË ARDHURAVE**

Numri i Vendosjes së Dokumentit (NVD)
(Vetëm për përdorim zyrtar)

(2) Periudha tatimore (viti)

(1) Numri Serial:

Vendos 'X' në kutinë e duhur nëse nuk po dorëzon për herë të parë për këtë periudhë të dorëzimit

KORRIGJUESE

SEKSIONI A : TË DHËNA IDENTIFIKUESE

[3] REZIDENT NË REPUBLIKËN E SHQIPËRISË

[4] JOREZIDENT NË REPUBLIKËN E SHQIPËRISË

TË DHËNA IDENTIFIKUESE PËR INDIVIDIN

(5) Emri _____, Atësis _____; Mbiemri _____, Seksi: M F

(6) Numri i identifikimit personal sipas letërnjoftimit të deklaruës _____

(7) Adresa kryesore: _____

(8) Qyteti/Komuna/Rrethi: _____

(9) Statusi i Deklaruesit I/E martuar I/E martuar me Beqar/e I/E ve I/E divorcuar Kryefamiljar/e
 fëmijë

TË DHËNA PLOTËSUESE PËR INDIVIDIN

(10) Telefoni _____, Cel. _____, E-mail _____

(11) Të dhëna mbi pronësinë e banesës kryesore: a) Në pronësi b) Me qira c) Falas nga pronari d) Të tjera

(12) Emër/Mbiemër i pronarit _____, Adresa _____

ADRESA E BANIMIT NËSE ËSHTË E NDRYSHME NGA ADRESA E TË DHËNAVE IDENTIFIKUESE

(13) Adresa _____

(14) Nr. Tel: _____, Cel _____, E-mail _____

(15) Të dhëna mbi pronësinë e banesës ku jeton: a) Në pronësi b) Me qira c) Falas nga pronari d) Të tjera

(16) Emri /Mbiemri i pronarit _____ Adresa _____

PERSONA NË KUJDESTARINË E DEKLARUESIT

(17) Persona nën kujdestarinë e deklaruës gjithsej Numri i personave brenda familjes në kujdestari Të tjerë persona në kujdestari

Personi Deklarues
(Emri/Mbiemri) _____

Data e deklaramit ____/____/____

Firma _____

(1) Numri Serial: _____

NVD: _____

(2) Periudha tatimore (viti) _____

SEKSIONI B : TË DHËNA PËR LLOGARITJEN E TATIMIT

TË ARDHURAT BRUTO

[3]	Të ardhurat bruto nga paga apo shpërblime nga marrëdhëniet e punësimit për individët.....	[3]	
[4]	Fitimi nga zhvillimi i veprimtarisë së Biznesit të Vogël.....	[4]	
[5]	Të ardhurat bruto nga dividendi	[5]	
[6]	Të ardhurat bruto nga qiraja.....	[6]	
[7]	Fitime kapitale nga shitja e pasurisë së paluajtshme(tokë dhe ndërtese) në pronësi të deklaruësit.....	[7]	
[8]	Të ardhurat bruto nga interesat bankare.....	[8]	
[9]	Fitimi kapital i krijuar nga investimet në tituj apo nga pasuri të paluajtshme.....	[9]	
[10]	Shuma bruto të fituara nga lotari apo lojra të tjera të fatit.....	[10]	
[11]	Të ardhurat bruto nga pasuria intelektuale liçensa, të drejta ekskluzive dhe pasuri të tjera që përbehen vetëm nga të drejta dhe që nuk kanë formë fizike.....	[11]	
[12]	Fitime kapitali nga dhurimi.....	[12]	
[13]	Të ardhura bruto të realizuara jashtë territorit të Republikës së Shqipërisë.....	[13]	
[14]	Të ardhura bruto të tjera të papërmendura më lart	[14]	
[15]	SHUMA E TË ARDHURAVE BRUTO (nga 3 deri 14)		[15]

SHPENZIME TË ZBRITSHME

[16]	Kontributet vullnetare në fondin e pensionit vullnetar dhe kontributet vullnetare të individit për shëndetin.....	[16]	
[17]	Shuma e interesit bankar të kredisë së marrë për shkollim	[17]	
[18]	Shpenzimet për mjekim për vete apo për fëmijët dhe për personat në kujdestari për pjesën e pambuluar nga sigurimi i detyrueshëm shëndetësor.....	[18]	
[19]	SHUMA E SHPENZIMEVE TË ZBRITSHME (kutia 16 deri 18)		[19]

TATIMI I LLOGARITUR PËR T'U PAGUAR

[20]	Të ardhura të tatueshme (kutia 15 – 19 kur 15>19).....	[20]	
[21]	Shpenzime të pambuluara nga të ardhurat (kutia 19 – 15 kur 15<19).....	[21]	
[22]	SHUMA E TATIMIT TË LLOGARITUR (Kutia 20 x10%)		[22]

TATIME TË PAGUAR GJATË PERIUDHËS TATIMORE

[23]	Tatimi mbi pagën	[23]	
[24]	Tatimi mbi interesat.....	[24]	
[25]	Tatimi mbi qiranë.....	[25]	
[26]	Tatimi mbi dividendin	[26]	
[27]	Tatimi mbi të ardhurat e tjera.....	[27]	
[28]	SHUMA E TATIMIT TË PAGUAR GJATË PERIUDHËS TATIMORE(kutia 23 deri 27)....		[28]

[29]	TATIMI I PAGUAR TEPËR NGA VITI I MËPARSHËM DHE I PARIMBURSUAR....	[29]	
[30]	TATIMI I PAGUAR TEPËR (për rimbursim).....	[30]	
[31]	TATIMI I DETYRUESHËM PËR T'U PAGUAR.....		[31]

Personi Deklarues
(Emri/Mbiemri) _____

Data e deklarimit ____ / ____ / ____

Firma _____

UDHËZUES PËR MËNYRËN E PLOTËSIMIT TË DEKLARATËS INDIVIDUALE VJETORE TË TË ARDHURAVE

1. **Numri serial** përdoret nga drejtoria rajonale tatimore (organi tatimor) dhe shërben për të azhurnuar regjistrimet tuaja kur paraqitet deklarata.
2. **Periudha tatimore** është periudha që përfshin deklarimin nga data 1 janar deri në 31 dhjetor të vitit raportues.

SEKSIONI A: TË DHËNA IDENTIFIKUESE

Të dhëna identifikuese për individin.

3. **Rezident në Republikën e Shqipërisë.** Plotësohet duke vendosur shenjë "X" në kutinë nëse individit është rezident në Republikën e Shqipërisë.

4. **Jo rezident në Republikën e Shqipërisë.** Plotësohet duke vendosur shenjë "X" në kutinë nëse individit nuk është rezident në Republikën e Shqipërisë.

5. **Emri, atësia, mbiemri, seksi,** plotësohet me të dhënat e individit i cili deklarom me anë të kësaj deklarate, me germa kapitale.

6. **Numri i identifikimit personal sipas letërnjoftimit të deklaruesit** plotësohet sipas numrit që deklaruesi ka në dokumentin e letërnjoftimit ID (në kartën e identitetit).

7. **Adresa kryesore** plotësohet për adresën që deklaruesi ka sipas të dhënave në regjistrin e gjendjes civile.

8. **Qyteti/komuna/rrethi** plotësohet sipas regjistrin të gjendjes civile.

9. **Statusi i deklaruesit** plotësohet duke vendosur shenjë "X" brenda kutive.

Të dhëna plotësuese për individin

10. **Telefon, celular, e-mail,** plotësohet me numrin e telefonit, celularit dhe adresën e e_mailit, që disponon deklaruesi.

11. **Të dhëna mbi pronësinë e banesës kryesore** plotësohet duke vendosur shenjë "X" nëse banesa është në pronësi të deklaruesit me dokumente hipoteke, marrë me qira apo është dhënë falas në përdorim dhe të tjerë.

12. **Emër/mbiemër i pronarit, adresa** plotësohet për emër/mbiemrin e pronarit të banesës dhe adresën e tij, kur deklaruesi është me qira apo pronari ja ka lënë në përdorim falas, e të tjerë.

Adresa e banimit nëse është e ndryshme nga adresa e të dhënave identifikuese.

13. **Adresa e banimit të deklaruesit** nëse ka ndryshuar nga adresa e deklaruar në të dhënat identifikuese.

14. **Numri i telefonit, celulari, e-mail,** plotësohet me numrin e telefonit, celularit dhe adresën e e-mailit nëse ka ndryshuar, nga të dhënat identifikuese.

15. **Të dhëna mbi pronësinë e banesës ku jeton,** plotësohet duke vendosur shenjë "X" nëse banesa është në pronësi të deklaruesit, marrë me qira apo është dhënë falas.

16. **Emër/mbiemër i pronarit, adresa** plotësohet për emrin/mbiemrin e pronarit të banesës dhe adresën e tij, kur deklaruesi është me qira apo pronari ia ka lënë në përdorim falas.

17. **Persona nën kujdestarinë e deklaruesit,** plotësohet nga kryefamiljari apo bashkëshortja kur kjo është kryefamiljare duke vënë në kuti, numrin e personave brenda familjes në kujdestari dhe numrin e të tjerë personave në kutinë tjetër.

SEKSIONI B: TË DHËNA PËR LLOGARITJEN E TATIMIT

TË ARDHURAT BRUTO

3. **Të ardhurat bruto nga pagat apo shpërblymjet nga marrëdhëniet e punësimit për individët,** plotësohet për totalin e pagave dhe shpërblymjeve që deklaruesi përfiton nga të gjitha marrëdhëniet e punësimit gjatë periudhës tatimore.

4. **Fitimi nga zhvillimi i veprimtarisë së biznesit të vogël,** plotësohet nga deklaruesi për shumën e fitimit të tatueshëm që deklaruesi i vetëpunësuar, realizon nga veprimtaria e biznesit të vogël me qarkullim mbi 2 000 000 lekë.(kutia 18 e formularit të deklarimit dhe pagesës së tatimit mbi të ardhurat personale të biznesit të vogël)

5. **Të ardhurat bruto nga dividendi për pjesëmarrje në shoqëritë tregtare apo nga veprimtaritë e biznesit,** do të plotësohet për shumën e dividendit që deklaruesi përfiton nga të gjitha pjesëmarrjet e tij në shoqëritë tregtare, apo veprimtaritë e biznesit.

6. **Të ardhurat bruto nga qiratë,** do të plotësohet për totalin e të ardhurave bruto që individit realizon nga dhënia me qira e një ose disa objekteve.

7. **Fitimet kapitale nga shitja e pasurisë së paluajtshme** (tokë dhe ndërtesë) në pronësi të deklaruesit, do të plotësohet për fitimin kapital të realizuar në zbatim të nenit 11 të ligjit nr.8438, datë 28.12.1998 "Për tatimin mbi të ardhurat", te ndryshuar dhe akteve nënligjore në zbatim të tij.

8. **Të ardhurat bruto nga interesat bankare** do të plotësohen për totalin e të ardhurave nga interesat bankare që individit ka përfituar, gjatë periudhës tatimore.

9. **Fitimi kapital neto i krijuar nga investimet në tituj apo nga pasuri të paluajtshme,** do të plotësohet për totalin e fitimeve të realizuara nga investimet në tituj, shitje aksionesh, e pasuri të paluajtshme, përveç se tokë e ndërtesë që janë

pasqyruar në kutinë 7. Me termin "fitim kapital i realizuar" kuptohet diferenca ndërmjet vlerës në shitje dhe vlerës në blerje të pasurisë.

10. **Shuma bruto të fituara nga lotari apo lojëra të tjera të fatit,** do të plotësohet për totalin e shumave bruto të fituara nga lotaritë apo lojëra të tjera të fatit.

11. **Të ardhura bruto nga pasuri intelektuale licenca, të drejta ekskluzive dhe pasuri të tjera që përbëhen vetëm nga të drejta dhe që nuk kanë formë fizike,** do të plotësohet për totalin e të ardhurave bruto nga të gjitha, sa përshkruar më sipër.

12. **Fitimet kapitale nga dhurimi** do të plotësohet për shumën e fitimeve kapitale të realizuara nga dhurimi.

13. **Të ardhurat bruto të realizuara jashtë territorit të Republikës së Shqipërisë,** do të plotësohet për totalin e të ardhurave bruto të realizuara jashtë territorit të Republikës së Shqipërisë.

14. **Të ardhura bruto të tjera të papërmendura më lart,** do të plotësohet për totalin e të ardhurave bruto të tjera të cilat nuk janë të përfshira në të ardhurat e sipërsëhënuara.

15. **Shuma e të ardhurave bruto (3-14)** plotësohet për totalin e të ardhurave nga kutia 3 deri në kutinë 14.

SHPENZIME TË ZBRITSHME

16. **Kontributet vullnetare në fondin e pensionit vullnetar dhe kontributet vullnetare të individit për shëndetin** plotësohet vetëm kur individit ka derdhur kontribut për fondet e pensionit vullnetar në zbatim të ligjit "Për fondet e pensionit vullnetar" dhe kontribute vullnetare për shëndetin.

17. **Shuma e interesit bankar të kredisë së marrë për shkollim për vete apo për fëmijët dhe personat në kujdestari,** do të plotësohet për shumën e interesit bankar të kredisë së marrë për shkollim nga banka brenda territorit të Republikës së Shqipërisë.

18. **Shpenzimet për mjekim për vete apo për fëmijët dhe personat në kujdestari për pjesën e pambuluar nga sigurimi i detyrueshëm shëndetësor,** do të plotësohet mbështetur në fakturat e lëshuara nga institucionet shëndetësore brenda territorit të Republikës së Shqipërisë, për justifikimin e shpenzimeve për mjekim, sipas përcaktimeve në aktet nënligjore.

19. **shuma e shpenzimeve të zbritshme,** plotësohet për totalin e shpenzimeve nga kutia 16-18.

TATIMI I LLOGARITUR PËR T'U PAGUAR

20. **Të ardhura të tatueshme,** plotësohet për diferencën ndërmjet shumës së të ardhurave bruto (kutia 15) me shumën e shpenzimeve të zbritshme(kutia 19), kur (15 > 19).

21. **Shpenzimet të pambuluara nga të ardhurat,** plotësohet për diferencë kur shuma e shpenzimeve të zbritshme (kutia 19) është më e madhe se shuma e të ardhurave bruto (kutia 15).

22. **Shuma e tatimit të llogaritur** plotësohet për shumën e tatimit të llogaritur që rezulton nga shumëzimi i të ardhurave të tatueshme (kutia 20) me përqindjen e tatimit mbi të ardhurat në masën 10%.

TATIME TË PAGUARA GJATË PERIUDHËS TATIMORE

23. **Tatimi mbi pagën,** plotësohet për shumën e tatimit mbi pagën dhe shpërblymjet mbi pagën të paguar gjatë periudhës tatimore. Në rastin e të vetëpunësuarit që kryen veprimtari të biznesit të vogël, kjo kuti plotësohet me shumën e tatimit të paguar nga zhvillimi i kësaj veprimtarie. (kutia 22 e formularit të deklarimit dhe pagesës së tatimit mbi të ardhurat personale të biznesit të vogël)

24. **Tatimi mbi interesat** plotësohet për shumën e tatimit mbi interesat bankare të paguara gjatë periudhës tatimore.

25. **Tatimi mbi qiranë** plotësohet për shumën e tatimit mbi qiranë të paguar gjatë periudhës tatimore.

26. **Tatimi mbi dividendin** plotësohet për shumën e tatimit mbi dividendin të paguar gjatë periudhës tatimore.

27. **Tatimi mbi të ardhurat e tjera** plotësohet për shumën e tatimit mbi të ardhurat e tjera, të listuara në sesionin A dhe të paguara gjatë periudhës tatimore.

28. **Shuma e tatimit të paguar gjatë periudhës tatimore,** plotësohet për shumën e tatimit të paguar nga kutia 23 deri në kutinë 27 të deklaruarës.

29. **Tatimi i paguar tepër nga viti i mëparshëm dhe i parimbursuar,** plotësohet për shumën e tatimit të paguar tepër nga viti i mëparshëm dhe që rezulton i parimbursuar deri në ditën e deklarimit.

30. **Tatimi i paguar tepër (për rimbursim)** plotësohet për diferencën nëse tatimi i paguar gjatë periudhës tatimore (kutia 28) është më i madh se tatimi i llogaritur sipas deklaruarës (kutia 22).

31. **Tatimi i detyrueshëm për t'u paguar** (kutia 22 minus kutinë 28 minus kutinë 29) plotësohet për diferencën midis shumës së tatimit të llogaritur sipas deklaruarës (kutia 22) minus shumën e tatimit të paguar (kutia 28) minus tatimin e paguar tepër nga viti i mëparshëm dhe i parimbursuar (kutia 29).

Në fund të faqes së parë, të dytë dhe të tretë të vendoset emri, mbiemri, firma e deklaruesit dhe data e deklarimit.